



ATASSUT

UPA14/102-1

Knud Kristiansen

24.04.2014

Meeqqat atuarfiani naammassisut inuuniarnermikkut piginnaasakkullunniit patsiseqartumik ilinniagaqalinngitsoortartut perorsimanerulernissaat piginnaanngorsarnissaat piunassuseqarnerulernissaallu siunertaralugu Naalakkersuisut misissuinissamik aallartitseqqullugit Inatsisartut aalajangiiffisassaattut siunnersuut. Misissuineq 2015-imi upernaakkut ataatsimiinnermi nalunaarusiamik agguaassinermik inerseqassaaq.
(Inatsisartunut ilaasortaq Evelyn Frederiksen, Siumut)

ATASSUT-miit siunnersuuteqartoq qutsavigaarput, siunnersuullu pillugu imaattumik oqaaseqaateqassaagut.

ATASSUT-mi pingaartilluinnarlugu anguniarparput, inuusuttut, meeqqat atuarfianni naammassinnittut amerlanerpaat, ilinniagaqalernissamut soorlu ilinniarnertuunngorniartinnut taamaaqataannullu, imaluunniit inuussutissarsiutitigut ilinniagaqarnermut ikaarsaartassasut, ilinniakkamik aallartitsillutik, aammalu sapinnsamik amerlanerit naammaginartumik angusaqarlutik, taamatullu sapinngisamik aamma amerlanerit ilinniakkamik naammassinnittarnissaat. Tamanna nunatsinni inuiaqatigiittut pisussaaffiusariaqarpoq, angajoqqaajugutta, ilinniartitsisuugutta tamattaalluta kivitseqatigiiffisarput.

Tamannalu anguniarlugu tunngaviusoq pitsaalluinnartumik sinaakkuteqartittariaqarparput, tassalu angajoqqaatut akisussaaffipput, kingornalu meeqqap meeraaqqerivimmi, meeqperivimmilu ingerlaarnerani aamma inuiaqatigiittut naleqartitatsinnik, inuiaqatigiinnilu akisussaaqataanermik kivitseqataanissamik misigisimalluni meeqqat atuarfiannut isertarnissaa.

Meeqqat atuarfiat maanna pillugu “atuarfitsialaap” nalilersuiffiqeqarnerani pingaartorujussuuvoq, siunissami qanoq meerartatta angusaqarlutik meeqqat atuarfiat qimattassagaat kissaatitta anguniakkattalu ilusilersornissaa. Tamanna pillugu suliaq ingerlasoq ATASSUT-miit



qilanaaraarput, aamma ilusilersueqataanissatsinnut oqartussaaqataasut peqatigalugit piareersimavugut.

Maannakkut killiffitsinni amerlavallaarput, meeqqat atuarfiat naammassereerlugu ilinniakkamik aallartitsinngitsoortartut, tamannalu soorunami assigiinngitsunik patsiseqartarpoq. Aammalu sinerissami piareersarfinnut qinnuteqartartorpassuit ilaatigut ersersippaat, ilumut meeqqat atuarfiat naammassineqartartoq angusatigut ilinniartinnut toqqaannarlutik isissutaasinnaangitsunik, aammalu inuusuttavut amerlasuutigut sulii inerisimassutsikkut naammangitsut alloriarnissamut taama annertutigisumik.

Taamaattumillu tamanna tunngavigalugu ATASSUT-miit pingaartutut qaqeqqippaarput, meeqqat atuarfianni 11. Klassep atuutleqqinnissaa, soorlu aamma siunnersuuteqartoq taama oqariartuuteqartoq. ATASSUT-mimi isumaqarpugut, piareersarfiit maannamut pitsaasumik periarfissiigaluartut, pisariaqartitsinerup aamma ersersikkaa, meeqqat atuarfiat sulii tassani pisariaqartoq, tassalu inuusuttavut sulii meeqqat atuarfianni angusamikkut patajaannerusumik, pitsaannerusumillu atuartitaanikkut pisariaqartitsisut. Tamannalu nukittorsassagipput ATASSUT-mi isumaqarpugut.

Taamatut oqaaseqarluta, aamma Naalakkersuisut akissutaat tigulluarlugu, suliniutillu aallartereersut qilanaaralugit, ATASSUT-miit siunnersuut tamakkiisumik taperserlugu innersuussutigissavarput, aappassaaneerseqartinnagu Kultureqarnermut Ilinniartitaanermut Ilisimatusarnermut Ilageeqarnermullu Ataatsimiititaliami suliarineqassasoq.